



REPUBLIKA E KOSOVËS/REPUBLIKA KOSOVA

GJYKATA THEMELORE GJAKOVË - DEGA E GJYKATËS RAHOVEC

Numri i lëndës: 2023:182857

Datë: 12.11.2024

Numri i dokumentit: 06441434

C.nr. 756/23

GJYKATA THEMELORE GJAKOVË – DEGA NË RAHOVEC, Departamenti i Përgjithshëm, Divizioni Civil, gjyqtari Avni Berisha, me bashkëpunëtoren profesionale Shpresa Haxhijaha Rahmani, duke vendosur në çështjen juridike kontestimore të paditësve Q.M, Xh.B, V.M, që të gjithë nga fshati Dejnë, Komuna e Rahovecit, të cilët sipas autorizimit i përfaqëson avokati D.M nga Prizreni, Rr....., kundër të paditurës Komuna e Rahovecit – Drejtoria Komunale e Arsimit, të cilën sipas autorizimit e përfaqëson avokati B.O nga Rahoveci, me bazë juridike për kompensim nga marrëdhënia e punës, vlera e objektit të kontestit 778.00 euro, jashtë seancës, më datën 12.11.2024, mori këtë:

A K T G J Y K I M

- I. APROVOHET TËRËSI SIE BAZUAR kërkesëpadia e paditësve Q.M, Xh.B, V.M.
- II. DETYROHET e paditura Komuna e Rahovecit - Drejtoria Komunale e Arsimit, që paditësit Q.M, në emër të kompensimit për ushqim në punë për periudhën kohore prej datës 21.01.2021 e deri më datën 31.12.2021 për 134 ditë pune të ja paguajë shumën prej 268.00 euro duke e llogaritur nga 2 euro për çdo ditë të prezencës në punë, me kamatë ligjore 8% nga data 18.08.2023 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarimit të detyrueshëm”.
- III. DETYROHET e paditura Komuna e Rahovecit - Drejtoria Komunale e Arsimit, që paditëses Xh.B, në emër të kompensimit për ushqim në punë për periudhën kohore prej datës 21.01.2021 e deri më datën 21.12.2021 për 129 ditë pune të ja paguajë shumën prej 258.00 euro duke e llogaritur nga 2 euro për çdo ditë të prezencës në punë, me kamatë ligjore 8% nga data 18.08.2023 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarimit të detyrueshëm”.
- IV. DETYROHET e paditura Komuna e Rahovecit - Drejtoria Komunale e Arsimit, që paditësit V.M, në emër të kompensimit për ushqim në punë për periudhën kohore prej datës 21.01.2021 e deri më datën 21.11.2022 për 126 ditë pune të ja paguajë

shumën prej 252.00 euro duke e llogaritur nga 2 euro për çdo ditë të prezencës në punë, me kamatë ligjore 8% nga data 18.08.2023 (data e parashtrimit të padisë) e deri në pagesën definitive, të gjitha këto në afat prej 7 ditësh nga dita e marrjes të këtij aktgjykimi, me pasojat ligjore të përmbarimit të detyrueshëm”.

- V. DETYROHET e paditura Komuna e Rahovecit – Drejtoria Komunale e Arsimit, që në emër të shpenzimeve të procedurës, paditësve, Q.M, Xh.B, V.M, t’i paguajë shumën prej 229,00 euro, në afat prej 7 ditësh nga dita e pranimit të këtij aktgjykimi, me pasojat ligjore të përmbarimit të detyrueshëm.

A r s y e t i m

Paditësit Q.M, Xh.B, V.M përmes përfaqësuesit të tyre të autorizuar, më datën 18.08.2023, në këtë gjykatë ndaj të paditurës Komuna e Rahovecit – Drejtoria Komunale e Arsimit, kanë parashtruar padinë për shkak të kompensimit nga marrëdhënia e punës, vlera e kontestit 778.00 euro.

Përfaqësues i autorizuar i paditësve me datë 21.10.2024, me parashtrësë ka bërë dorëzimin e provave dhe precizimin e kërkesëpadisë në kuptimin objektiv.

Të njëjtit sipas padisë kanë theksuar se paditësit Q.M, Xh.B, V.M, kanë punuar dhe vazhdojnë të punojnë si mësimdhënës në SHFMU “Rudolf Walther” në fshatin Dejnë, Komuna e Rahovecit, e që për periudhën e kërkuar paditësve i ka takuar e drejta e kompensimit të ushqimit në punë dhe udhëtim sipas Kontratës Kolektive të Arsimit të Kosovës të datës 21.01.2021, por që deri më tani nuk është kompensuar. Periudha e kërkuar sipas padisë është nga data 21.01.2021 e deri më 21.12.2021 dhe atë për paditësin Q.M për 134 ditë të prezencës në punë, për paditësen Xh.B për 129 ditë të prezencës në punë si dhe për paditësin V.M për 126 ditë të prezencës në punë.

Shpenzimet e procedurës i kanë kërkuar.

E paditura Komuna e Rahovecit – Drejtoria Komunale e Arsimit, në përgjigjen e saj në padi të datës 07.02.2024, ka theksuar se e kontestojmë padinë në tërësi për shkak se më 21.11.2022 MASHT-i ka shkëputur Kontratën Kolektive të Arsimit të datës 21.01.2021 të lidhur me SBASHK. Ndërkaq kërkesat që dalin nga kontestet e marrëdhënies së punës fillimisht duhet të parashtrohen tek punëdhënësi. Paditësit kanë kërkuar kompensimin e shpenzimeve të ushqimit me kamatë ligjore prej 8% nga dita e paraqitjes së padisë, të cilën e konteston në tërësi, sepse konsideronë se kamata duhet të llogaritet nga data e nxjerrjes së aktgjykimit, respektivisht nga dita kur paditësve u njihet e drejta e kompensimit, kur edhe e paditura e kupton në bazë të aktgjykimit lidhur me detyrimet financiare që i ka ndaj paditësve. Gjykata mund të shqyrtoj një padi që ka elemente nga kontesti i marrëdhënies së punës vetëm nëse paditësit i kanë shterur të gjitha mjetet në procedurë të rregullt pranë të paditurës si organ administrativ. Në këtë rast paditësit nuk kanë parashtruar kërkesë për kompensim pranë të paditurës. Me rastin e lidhjes së kontratave kolektive në nenin 2 të dy kontratave janë deleguar kompetenca dhe detyrime për të paditurën pa u shoqëruar edhe me buxhet shtesë, këto detyrime nuk janë zbatuar nga niveli

qendror i pushtetit. Andaj, e konteston kërkesëpadinë e paditësit pasi që i mungon legjitimiteti real-pasiv për faktin se komunat kanë kompetenca vetanake, të zgjeruara dhe të deleguara në pajtim me ligjin, autoriteti shtetëror që delegon kompetencat, përballon shpenzimet për ushqimin e delegimit. Andaj i ka propozuar gjykatës që kërkesëpadinë e paditësve ta refuzoj tërësisht si të pa bazuar ndaj të paditurës Komuna Rahovecit.

Shpenzimet e procedurës i ka kërkuar.

Për të vërtetuar gjendjen faktike në mënyrë të plotë dhe të drejtë, gjykata ka bërë administrimin e këtyre provave: vërtetimin mbi ditët e prezencës në punë me Nr. 01/2641/2023 i datës 10.05.2023, i lëshuar nga SHFMU “Rudolf Walther” në fshatin Dejnë, Komuna e Rahovecit për paditësin Q.M; kontratën e punës për mësimdhënës me Nr. të protokollit 01/2395, e datës 01.09.2021, e lidhur ndërmjet Komunës së Rahovecit – Drejtoria Komunale e Arsimit dhe paditësit Q.M;

Për paditësen Xh.B, vërtetimin mbi ditët e prezencës në punë me Nr. 01/2652/2023 i datës 10.05.2023, i lëshuar nga SHFMU “Rudolf Walther” në fshatin Dejnë, Komuna e Rahovecit; kontratën e punës si mësimdhënës me Nr. Të protokollit: 01/1422, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditëses Xh.B;

Për paditësin V.M, vërtetimin mbi ditët e prezencës në punë me Nr. 01/2646/2023 i datës 10.05.2023, i lëshuar nga SHFMU “Rudolf Walther” në fshatin Dejnë, Komuna e Rahovecit; vërtetimin mbi ditët e prezencës në punë me Nr. 319/05 i datës 11.05.2023, i lëshuar nga SHFMU “Vëllezërit Frashëri” në fshatin Drenoc, Komuna e Rahovecit; vërtetimin mbi ditët e prezencës në punë i datës 25.05.2023, i lëshuar nga SHFMU “Tre Dëshmorët” në fshatin Vrajakë-Bratotin, Komuna e Rahovecit; kontratën e punës për mësimdhënës me Nr. të protokollit:01/2035, e datës 02.09.2019, e lidhur ndërmjet Komunës së Rahovecit – Drejtoria Komunale e Arsimit dhe paditësit V.B;

Gjykata pasi që bëri vlerësimin e secilës provë veç e veç dhe të gjitha së bashku, mbështetur në dispozitat nga neni 8 dhe 398 të LPK-së, arriti në përfundim se në këtë çështje juridiko-civile duhet vendosur si në dispozitiv të këtij aktgjykimi, pasi që:

Nuk ishte kontestues fakti se paditëst kanë të themeluar marrëdhënien e punës tek e paditura. Po ashtu nuk është kontestues as fakti se paditësit për periudhën e kërkuar kohore kanë prezantuar në punë. Në këtë çështje juridike kontestues mbetet fakti se a i takon paditësve pagesa e ushqimit për çdo ditë të prezencës në punë dhe a ka legjitimitet real pasiv e paditura.

Me administrimin vërtetimin mbi ditët e prezencës në punë me Nr.001/2641/2023 i datës 10.05.2023, i lëshuar nga SHFMU “Rudolf Walther” në fshatin Dejnë, Komuna e Rahovecit, gjykata vërtetoi faktin se paditësi Q.M, për periudhën kohore prej datës 21.01.2022 e deri më 21.11.2022, ka prezantuar në punë në 134 ditët e punës.

Me administrimin e kontratën e punës për mësimdhënës me Nr. të protokollit 01/2395, e datës 01.09.2021, e lidhur ndërmjet Komunës së Rahovecit – Drejtoria Komunale e Arsimit dhe paditësit Q.M, gjykata vërtetoi faktin se paditësi ka kontratë pune me të paditurën dhe i njëjti

është i sistemuar në vendin dhe me detyrat e punës në SHFMU “Rudolf Walther” në fshatin Dejnë, Komuna e Rahovecit.

Me administrimin vërtetimin mbi ditët e prezencës në punë me Nr. 01/2652/2023 i datës 10.05.2023, i lëshuar nga SHFMU “Rudolf Walther” në fshatin Dejnë, Komuna e Rahovecit, gjykata vërtetoi faktin se paditësja Xh.B në periudhën kohore prej datës 21.01.2022 e deri më 21.11.2022, ka prezantuar në punë në 129 ditët e punës.

Me administrimin e kontratën e punës për mësimdhënës me Nr. të protokollit:01/1422, e datës 01.09.2015, e lidhur ndërmjet Komunës së Rahovecit – Drejtoria Komunale e Arsimit dhe paditëses Xh.B, gjykata vërtetoi faktin se paditësja ka kontratë pune me të paditurën dhe e njëjta është e sistemuar në vendin dhe me detyrat e punës në SHFMU “Rudolf Walther” në fshatin Dejnë, Komuna e Rahovecit.

Me administrimin vërtetimin mbi ditët e prezencës në punë me Nr. 01/2646/2023 i datës 10.05.2023, i lëshuar nga SHFMU “Rudolf Walther” në fshatin Dejnë, Komuna e Rahovecit, gjykata vërtetoi faktin se paditësi V.M në periudhën kohore prej datës 21.01.2022 e deri më 21.11.2022, ka prezantuar në punë në 50 ditët e punës.

Me administrimin vërtetimin mbi ditët e prezencës në punë me Nr. 319/05 i datës 11.05.2023, i lëshuar nga SHFMU “Vëllezërit Frashëri” në fshatin Drenoc, Komuna e Rahovecit, gjykata vërtetoi faktin se paditësi V.M në periudhën kohore prej datës 21.01.2022 e deri më 21.11.2022, ka prezantuar në punë në 54 ditët e punës.

Me administrimin vërtetimin mbi ditët e prezencës në punë i datës 25.05.2023, i lëshuar nga SHFMU “Tre Dëshmorët” në fshatin Vrajakë-Bratotin, Komuna e Rahovecit, gjykata vërtetoi faktin se paditësi V.M në periudhën kohore prej datës 21.01.2022 e deri më 21.11.2022, ka prezantuar në punë në 21 ditët e punës.

Me administrimin e kontratën e punës për mësimdhënës me Nr. Të protokollit 01/2035, e datës 02.09.2019, e lidhur ndërmjet Komunës së Rahovecit – Drejtoria Komunale e Arsimit dhe paditësit V.M, gjykata vërtetoi faktin se paditësi ka kontratë pune me të paditurën dhe i njëjti është i sistemuar në vendin dhe me detyrat e punës në SHFMU “Rudolf Walther” në fshatin Dejnë, Komuna e Rahovecit.

Provave të lartcekura gjykata iu fali besimin e plotë ngase është bërë e besueshme fuqia provuese e tyre, duke u bazuar edhe në nenin 329 paragrafi 1 të LPK-së, i cili përcakton se “*Shkresa të cilën e ka hartuar në formën e caktuar organi shtetëror brenda kufijve të kompetencës së vet, si dhe shkresa të cilën në formë të tillë e ka hartuar ndërmarrja apo organizata tjetër në ushtrimin e autorizimeve publike që i janë besuar me ligj (dokumenti publik), provon saktësinë e asaj që konfirmohet apo caktohet në të*”.

Gjykata ka vendosur ta aprovojë kërkesëpadinë e paditësve për faktin se paditësit në periudhën kohore nga data 21.01.2021 e deri më 21.11.2022, në vendin e tyre të punës kanë prezantuar paditësi Q.M, për 134 ditë pune, Xh.B, për 129 ditë pune, si dhe V.M për 125 ditë të punës. Kjo është vërtetuar sipas vërtetimeve të lëshuar nga vetë shkolla ku paditësit kanë qenë duke punuar,

ndërsa vërtetësinë e këtij dokumenti nuk e ka kontestuar as e paditura. Baza juridike e kërkesëpadsisë buron në nenin 90 par.5 të Ligjit të Punës, ku parashihet se *“Marrëveshja Kolektive vlen për ata punëdhënës dhe punëmarrës të cilët marrin përsipër detyrimet e përcaktuara me Marrëveshjen e tillë Kolektive”*. Ndërsa sipas nenit 35 par.7 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021 parashihet që *“Të punësuarve, u sigurohet kompensimi për ushqim gjatë punës për ditët e pranisë në punë. Vlera e kompensimit të shpenzimit të ushqimit në punë për një ditë pune është 2 (dy) euro për të punësuarit që kanë marrëdhënie e punës primare në institucionet arsimore”*.

Sa i përket legjitimitetit real pasiv të palës së paditur, gjykata vlerëson se pala e paditur ka legjitimitet që të jetë e paditur në këtë çështje kontestimore për faktin se sipas nenit 2 par.1 pika 1.2 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021, dispozitat e kësaj kontrate kolektive të arsimit janë të obligueshme për të gjithë punëdhënësit e sektorit të arsimit në Kosovë, përfshirë edhe komunat dhe drejtoritë komunale të arsimit.

Baza juridike e kërkesëpadsisë buron në nenin 90 par.5 të Ligjit të Punës, ku parashihet se *“Marrëveshja Kolektive vlen për ata punëdhënës dhe punëmarrës të cilët marrin përsipër detyrimet e përcaktuara me Marrëveshjen e tillë Kolektive”*. Ndërsa sipas nenit 35 par.7 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021 parashihet që *“Të punësuarve, u sigurohet kompensimi për ushqim gjatë punës për ditët e pranisë në punë. Vlera e kompensimit të shpenzimit të ushqimit në punë për një ditë pune është 2 (dy) euro për të punësuarit që kanë marrëdhënie e punës primare në institucionet arsimore”*.

Gjykata me rastin e vendosjes, jashtë seancës gjyqësore, është bazuar në dispozitën e nenit 398 të LPK-së, e cila dispozitë përcakton se *“Kur gjykata, pasi t'i arrijë përgjigja në padi, konstaton se ndërmjet palëve nuk është kontestuese gjendja faktike, dhe se nuk ekzistojnë pengesa të tjera për dhënien e vendimit meritor, atëherë ajo, pa caktuar fare seancë gjyqësore, mund ta jep aktgjykimin me të cilën e pranon si të themeltë kërkesëpadinë”*.

Vendimin lidhur me kumatën në lartësi prej 8%, gjykata e mori në kuptim të nenit 382 të LMD-së, duke llogaritur nga dita e paraqitjes së padsisë.

Nga të lartcekurat, duke u mbështetur në dispozitat e nenit 90 par.5 të Ligjit të Punës, nenit 2 par.1 pika 1.2 dhe neni 35 par.5 dhe par.7 të Kontratës Kolektive të Arsimit në Kosovë e datës 18.04.2017 si dhe Kontratës Kolektive të Arsimit në Kosovë e datës 22.01.2021, nenit 398 të LPK, gjykata vendosi si në dispozitiv të këtij aktgjykimi.

Vendimin mbi shpenzimet procedurale gjykata e mori në kuptim të nenit 452.1 të LPK-së, i cili përcakton se: *“Pala e cila e humbë procesin gjyqësor tërësisht ka për detyrë që palës kundërshtare gjyqfituese, dhe ndërhyrësit që i është bashkuar, t’ia shpërblej të gjitha shpenzimet gjyqësore”*, në kuptim të kompensimit të shpenzimeve të palës gjyq fituese, duke vendosur që paditësja t’ia kompensojë të paditurit shumën si në pikën VI të dispozitivit të këtij aktgjykimi, në shumën e përgjithshme prej 229.00 euro, dhe atë për përpilimin e padisë 208.00 euro si dhe për taksën gjyqësore 21.00 euro.

GJYKATA THEMELORE GJAKOVË – DEGA NË RAHOVEC
Departamenti i Përgjithshëm – Divizionin Civil
C.nr.756/23, më datën 12.11.2024

B.Profesionale
Shpresa Haxhijaha Rahmani

Gjyqtari
Avni Berisha

KESHILLË JURIDIKE: Kundër këtij aktgjykimi, pala e pakënaqur ka të drejtë ankese në afatin prej 7 ditëve pas ditës së pranimit të të njëjtit, Gjykatës së Apelit në Prishtinë, e nëpërmjet të kësaj gjykate.